



**O‘ZBEKISTON RESPUBLIKASI  
OLIV VA O‘RTA MAXSUS TA‘LIM VAZIRINING  
BUYRUG‘I**

2021-yil 26-avgust 373 -son

Toshkent sh.

**Oliy va o‘rta maxsus ta‘lim vazirligi tizimida  
Komplayens nazorat tizimini joriy etish  
va korrupsiyaga qarshi kurashishni  
takomillashtirish to‘g‘risida**

ISO 37001:2016 “Korrupsiyaga qarshi kurashish menejment tizimlari - foydalanish bo‘yicha xalqaro talablar va tavsiyalar” xalqaro standart talablari va tavsiyalarini inobatga olgan holda, Oliy va o‘rta maxsus ta‘lim vazirligi tizimida korrupsiyaga qarshi komplayens nazoratni joriy etish maqsadida

**B U Y U R A M A N:**

1. Quyidagilar:

- “O‘zbekiston Respublikasi Oliy va o‘rta maxsus ta‘lim vazirligi tizimida korrupsiyaga qarshi kurashish to‘g‘risidagi Nizom” 1-ilovaga;

- “O‘zbekiston Respublikasi Oliy va o‘rta maxsus ta‘lim vazirligi tizimida korrupsiyaga qarshi kurashish bo‘yicha koordinator to‘g‘risidagi Nizom” 2-ilovaga;

- “O‘zbekiston Respublikasi Oliy va o‘rta maxsus ta‘lim vazirligi tizimida manfaatlar to‘qnashuvini boshqarish to‘g‘risidagi Nizom” 3-ilovaga;

- “O‘zbekiston Respublikasi Oliy va o‘rta maxsus ta‘lim vazirligi tizimida korrupsion xavf-xatarlarni baholash uslubiyoti” 4-ilovaga muvofiq tasdiqlansin.

2. Belgilansinki, mazkur buyruq bilan tasdiqlangan hujjatlar:

Oliy va o‘rta maxsus ta‘lim vazirligi markaziy apparatining barcha boshqarma va bo‘limlari, vazirlik huzuridagi tashkilotlar, kasbiy ta‘limni rivojlantirish va muvofiqlashtirish hududiy boshqarmalari, vazirlik tizimidagi oliy va o‘rta-maxsus, professional ta‘lim muassasalari uchun majburiy hisoblanadi;

respublika hududida joylashgan xorijiy oliy ta‘lim muassasalari va ularning filiallari, boshqa vazirlik va idoralar tasarrufidagi oliy va o‘rta-maxsus, professional ta‘lim muassasalari hamda nodavlat oliy ta‘lim muassasalari uchun tavsiyaviy harakterga ega.

3. Vazirlik tizimidagi oliy ta'lim muassasalari (filiallari) rektor(direktor)lari, huzuridagi tashkilotlar hamda hududiy boshqarmalar boshliqlari "O'zbekiston Respublikasi Oliy va o'rta maxsus ta'lim vazirligi tizimida korrupsiyaga qarshi kurashish to'g'risidagi Nizom", "O'zbekiston Respublikasi Oliy va o'rta maxsus ta'lim vazirligi tizimida korrupsiyaga qarshi kurashish bo'yicha koordinator to'g'risidagi Nizom", "O'zbekiston Respublikasi Oliy va o'rta maxsus ta'lim vazirligi tizimida manfaatlar to'qnashuvini boshqarish to'g'risidagi Nizom", "O'zbekiston Respublikasi Oliy va o'rta maxsus ta'lim vazirligi tizimida korrupsion xavf-xatarlarni baholash uslubiyoti"ning mazmun-mohiyati haqida rahbar-xodimlar, professor-o'qituvchilar hamda talaba-yoshlarga tushuntirish ishlarini tashkil etsin.

4. Vazirlik tizimidagi oliy ta'lim muassasalari (filiallari) rektor(direktor)lari, huzuridagi tashkilotlar hamda kasbiy ta'limni rivojlantirish va muvofiqlashtirish hududiy boshqarmalari boshliqlari zimmasiga:

mavjud korrupsion xavf-xatarlar asosida o'zlarining korrupsiyaga qarshi kurashish mexanizmlarini ishlab chiqishi va joriy etishi;

korrupsiyaga qarshi kurashish bo'yicha koordinator/mas'ul shaxs faoliyatini yo'lga qo'yish;

korrupsion xavf-xatarlarni minimallashtirish borasida samarali profilaktik choralarni ishlab chiqish;

korrupsion xavf-xatarlar darajasini baholash uslubiyotidan foydalangan holda korrupsion xavf-xatarlar darajasini baholab borishni tashkil etish;

bu borada amalga oshirilgan ishlar to'g'risidagi ma'lumotlarni har chorakda (*chorak tugagandan keyingi oyning 10 sanasigacha*) vazirlikning Komplayens-nazorat va korrupsiyaga qarshi kurashish bo'limiga taqdim qilib borish vazifalari yuklatilsin.

5. Komplayens-nazorat va korrupsiyaga qarshi kurashish bo'limi (H.Abduraxmonov), Oliy ta'limni rivojlantirish tadqiqotlari va ilg'or texnologiyalarni tatbiq etish markazi (M.Esanov) bilan birgalikda Oliy va o'rta maxsus ta'lim vazirligi huzuridagi tashkilotlar hamda tizimdagi oliy ta'lim muassasalarida korrupsiyaga qarshi kurashish borasida amalga oshirilayotgan ishlarining joriy holati bo'yicha o'rganishlar o'tkazilishini ta'minlasin va o'rganish natijalari bo'yicha vazirlik rahbariyatiga ma'lumot kiritib borsin.

6. Mazkur buyruq ijrosi nazoratini o'z zimmamda qoldiraman.



A. Toshkulov